

KANUNUPE --- Kalaallit Nunaanni Nunaqarfimmiut Peqatigiiffiat

”Isumaginninneq Peqqissuseq aamma Avatangiiseq”

Inuiaqatigiit tamatta peqqissuunissarput pingaartitaraarput, ilanngulluguttaaq peqqinnarnerusumik inooriaaseqarnissap tungaanut aqqutit assigiinngitsut atorneqarsinnaasut qaammarsaatigiuarnissaat kissaatigalugu

Ullumikkut inuiaqatigiinni nutaaliaasuni peqqissuunissamut periarfissat pillugit paasisassarsiorsinnaanerput killeqanngiusarpoq, tamannalumi malunnartumik inuppasuarnit eqqumaffigineqaleriartorpoq

Kisiannili avinngarusimasuni najugaqartugut suli sanngiiffigaarput paasisutissanik tamakkuninnga pissarsiniarnermi ajoraluartumik paasisutissat assigiinngitsut allamiut oqaasii atorlugit allaqqasarmata, taamaasillunilu paasinnilluni atuarneqarsinnaaner at ajoraluartumik killeqartutut innuttaasut nunaqarfinniittut eqqarsaatigalugit oqaatigineqarsinnaavoq

Soorunami ilisimavarput peqqinnerunissamut assigisaanullu paasisutissat najukkami Peqqinnissaqarfiup illuutaani pineqarlutillu atuarneqarsinnaammata, ajoraluartumilli tamanna malunnartumik suli pikkoriffigineruseriaqarparput, tassami suna pinerpoq Nakorsiartarfik ulluinnarni paasisassarsiorfigissallugu suli innuttaasugut sanngiiffigaarput, qularnanngitsumillu paasisutissat pingaaruteqartut oqaatsivut atorlugit allanneqarsimasut pissarsiarineqanngitsoorlutillu atuarneqanngitsoortarput

Peqqinnissaqarfik nersualaagassaavoq ungasianniik nakorsiaat ”Pipaluk” nunaqarfippassuarni atuutsilersimammagu, tamanna annertuumik ataatsimut isiginnilluni siuariaataasimavoq , qularnanngitsumillu arlaagut suliassanik tukummattariaqakkanik siusinaarnerusumik suliarineqartalernerannik kinguneqarsimassalluni

Ajoraluartumilli Kanunupe-mit ilisimavarput atortorissaarutip taassumap atornissaanut pikkorissaasarnerup tusiapittumik ingerlanneqarnera, tassami arlalinnik ilisimasaqaratta ajoraluartumik atuisinnaanermut pikkorissarsimanninnerup kingunerisaanik atortorissaarummik atuisinnaanngitsunik

Tamanna aaqqiivigineqartariaqarpoq, atortorissaarut pitsaasoq pingaarutilimmillu inissisimasoq minnerpaamik pinngitsoorani sulisuusunik atorneqarsinnaasariaqarmat

Isumaginninneq eqqarsaatigalugu soorunami upperaarput sulisuusut annertuumik sapinngisartik malillugu suliaqartarmata, aammattaarlu ilisimallugu suliassat ilaatigut imaannaanngitsut tarnikkut nukittusariaqarnermik pisariaqartitsisut ilanngullugit suliarisariaqartarnerat sulisuusunut annertuumik unammillerfiusinnaasarmata

Ataatsimut isigalugu iluarisimaarnarpoq arlaagut isumaginninnermi suliallit illoqarfigisaq qaninneq suleqatigilluarsinnaasarmassuk, naak ilaatigut periarfissat eqqarsaatigalugit sulisuusut annikilliortutut misigisarsinnaasaraluartut

Assortorneqarsinnaanngitsumik pisariaqartippavut isumaginninnermi sulisut ilinniarsimasut, kisiannili allatut ajornartumik sulisussaaleqinerup kingunerisaanik ilinniarsimanngitsunik nunaqarfippassuit sulisoqarput, tamanna ajortutut isigineqassanngilaq nalunnginnatsigu ilinniarsimanngikkaluarlutik annertuumik suliassatigut pikkoriffeqarlutik innuttaasunik sullissisarmata, kisiannili tamatta ilisimavarput assigiinngissuteqartuartarmat ilinniarsimasuuneq kiisalu ilinniarsimasuunnginneq

Tamanna ilaatigut unammillerfiusinnaasarpog, ilaatigut nunaqarfimmiut anertuumik imminnut ilisarimasuusarmata, aammalu ilaqutariiaartuusinnaasarlutik, taamaattoqartillugu qularnanngitsumik suliniarnermi allatut ajornartumik inhabilitet tikinneqarsinnaasarpog, taamaasillunilu sullitaq ilaatigut illoqarfimmi qaninnermiik sullinneqalersinbnaasarluni, tamanna unammillerfiusartoq ilisimavarput

Ilinniarsimasunik pisariaqartitsinitsinni nunaqarfinni atorfilinnut illuutit qiviarneqarnissaat pingaartorujussuuvog, tassami ilisimasaqarpugut ilinniarsimasunik nuukkusuttoqartaraluartog, kisiannili illuutit tikinneqaraagata ajoraluartumik tunuartiinnartariaqartartunik, ajornartorsiut tamanna annertuvog aamma ilinniarsimasut allat nunaqarfinni pisariaqartitavut eqqarsaatigalugit

Piffissanngorsimavog atorfilittat pitsaanerusumik atugassaqarnissaat eqqarsaatigalugu pisortaqarfiit assigiinngitsut, suliffeqarfiillu assigiinngitsut nunaqarfinni sullissisuusut ataatsimut akileeqataaffigisaannik illunik sanaartortoqarnissaa, taamaasilluni ilinniarsimasunik aamma nunaqarfimmiut sullinneqarnissaat pitsaanerusup tungaanut alloriaateqarsinnaassagaluarimat

Inoqarfiit sumi najugaqartuuneq apeqqutaatinnagu avatangiisikkut takujuminartuunissaat tamatta pingaartitaraarput, taamatut pingaartitsinitsinni suliniuteqartuarnissarput pingaaruteqarvog

Nunaqarfitta takujuminartuunissaa eqqiluitsuunissaalu pingaartipparput sapinngisamillu piffimmi atortut atorsinnaasut sakkugalugit eqqiluitsuutitsiniarnerit assigiinngitsut ingerlanneqartarput

Pitsaasumik eqqaaveqarnikkut inissisimanissaq nukilaaffigineqarvog, tassani eqqarsaatigaarput Ikuallaaviit illut pilersinneqarsimasut ilaatigut iluatsippallaanngitsumik ingerlasimanerat

Teknikkikkut ineriartorneq sukkaqimmat upperaarput nunaqarfiit assigiinngitsut angissusaannut naleqquttunik ikuallaavinnik pilersitsisoqarsinnaanera, tassami ilaatigut eqqaavissuarni eqqakkanik ikuallaaginnartarnev ilaatigut peqqinnanngitsumik nunaqarfinnut sunniussinnaasarmat

Eqqakkanik immikkoortitseriuseqarnerup suli qaammarsaatigineqarnissaa pisariaqarvog, ilaatigut eqqakkat ikuallassinnaanngitsut ilanngullugit ataatsimut eqqaavimmu ikiorarneqartarput, qularnanngitsumillu ikuallanneqarnerminn ilaatigut ulorianartumik pujuliorsinnaasarlutik

Kanunupe-mit ikuallaaveqarnissaq pingaartipparput kissaatiginarporlu pimoorullugu
nunaqarfinni ikuallaavinnik pilersitsiortortariaqartoq oqariartuutigaarput